



XALQ DEPUTATLARI NAVOIY SHAHAR KENGASHI QARORI

2022 - yil 31 - dekabr

VI-52-208-5-79-K/22

Navoiy shahar hokimligi

Navoiy shahrining 2023-yilgi mahalliy budjetini tasdiqlash to'g'risida

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, O'zbekiston Respublikasining 2022-yil 30-dekabrda "2023-yil uchun O'zbekiston Respublikasining Davlat budjeti to'g'risida"gi O'RQ 813-son Qonuni, O'zbekiston Respublikasi Budjet kodeksining 27, 99-moddasi, O'zbekiston Respublikasi Moliya vazirligining 2022-yil 29-dekabrda 01/20-32/1023-sonli xati hamda Navoiy viloyati hokimligi Moliya bosh boshqarmasining 2022-yil 30-dekabrda 01-12/20-01-38/4074-sonli xatini inobatga olib, xalq deputatlari Navoiy shahar Kengashi

QAROR QILADI:

1. O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi Qonuni ijro va rahbarlik uchun qabul qilinsin.

2. O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi 2022-yil 30-dekabrda O'RQ 813-son Qonuniga (keyingi o'rinlarda Qonun deb ataladi) muvofiq, Navoiy shahrining shahar mahalliy budjetining 2023-yil uchun daromadlari 169 871 382 ming.so'm, xarajatlari 191 939 114 ming.so'mga tasdiqlanganligi ma'lumot uchun qabul qilinsin.

3. 2023-yil uchun Navoiy shahrini rivojlantirishning asosiy makroiqtisodiy ko'rsatkich prognoz mo'ljallari [1-ilovaga](#) muvofiq, 2023-yil uchun shahar mahalliy budjeti daromadlari prognozi [2-ilovaga](#) muvofiq ma'lumot uchun qabul qilinsin.

4. Quyidagilar:

2023-yil uchun shahar budjetidan budjet mablag'larini taqsimlovchilarga ajratiladigan mablag'larning cheklangan miqdorlari [3-ilovaga](#) muvofiq;

2023-yil uchun shahar budjetiga umumdavlat soliqlaridan ajratmalar normativlari [4-ilovaga](#) muvofiq tasdiqlansin. Bunda, ajratmalar normativlari bo'yicha shahar mahalliy budjeti bilan shahar budjetining taqsimotini o'rnatilgan tartibda Navoiy shahar bo'yicha G'aznachilik

bo'limi tomonidan amalga oshirilishi belgilab qo'yilsin.

5. 2023-yil uchun shahar mahalliy budjetining daromadlari va xarajatlarining prognozi [5-ildovaga](#) muvofiq ma'lumot uchun qabul qilinsin.

6. 2023-yil uchun shahar budjetidan shahar mahalliy budjetlariga ajratiladigan tartibga soluvchi budjetlararo transfertlar miqdorlari [6-ildovaga](#) muvofiq tasdiqlansin.

Bunda, tartibga soluvchi budjetlararo transfertlar miqdorini shahar mahalliy budjetlari daromadlari prognozi ijrosidan qat'iy nazarkamaytirishga yo'l qo'yilmasligi Qonunda belgilab qo'yilganligi ma'lumot uchun qabul qilinsin.

7. 2023-yil uchun shaharning shahar budjeti zaxira jamg'armasi hajmlari 1 810 746 [ming.so'm](#) miqdorida belgilansin.

Shahar budjetining 2023-yil uchun zaxira jamg'armalari tegishli budjetlar tasdiqlangan umumiy xarajatlarining kamida 1,0 foizi miqdorida shakllantirilsin.

2023-yil uchun shaharning shahar budjeti shaxsiy g'azna hisob varaqlarida turgan budjet mablag'larining yo'l qo'yiladigan eng kam miqdori 999 701 [ming.so'm](#) hamda shahar budjeti shaxsiy g'azna hisobvaraqlarida turgan budjet mablag'larining yo'l qo'yiladigan eng kam miqdori [7-ildovaga](#) muvofiq belgilansin.

8. O'zbekiston Respublikasining mazkur qonuni bilan 2023-yil xalq deputatlari Kengashlarining mahalliy budjetlarni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2023-yilda quyidagi soliq turlari:

a) shahar budjetiga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

mol-mulkni ijaraga berishdan olinadigan yillik daromad to'g'risidagi deklaratsiyaga asosan jismoniy shaxslar tomonidan to'lanadigan, shuningdek yakka tartibdagi tadbirkorlar tomonidan to'lanadigan jismoniy shaxslardan olinadigan daromad solig'i;

suv resurslaridan foydalanganlik uchun soliq, bundan elektrstansiyalari tomonidan to'lanadigan soliq mustasno;

noruda qurilish materiallari bo'yicha yer qa'ridan foydalanganlik uchun soliq.

b) jismoniy shaxslardan olinadigan daromad solig'i viloyat budjeti hamda shahar va tumanlar budjetlari o'rtasida taqsimlanadi.

9. O'zbekiston Respublikasi Prezidentining "Jamoatchilik fikri asosida

shakllantiriladigan loyihalarni moliyalashtirish ko‘lamini kengaytirish chora-tadbirlari to‘g‘risida”gi 2022-yil 25-oktyabrdagi PQ-409-son qaroriga asosan 2023-moliya yilidan boshlab;

a) “Obod qishloq” va “Obod mahalla” dasturlari doirasida moliyalashtiriladigan tadbirlar jamoatchilik fikri asosida “Ochiq budget” axborot portali orqali ovoz berish yo‘li bilan aniqlanadi.

Bunda, aholi tomonidan amalga oshirilishi taklif etilayotgan tadbirlar har bir mahalla bo‘yicha bitta loyihalar paketi shaklida ovozga qo‘yilishi;

b) Qoraqalpog‘iston Respublikasi respublika budjeti, viloyatlarning viloyat budjetlari va Toshkent shahrining shahar budjetida shakllangan qo‘shimcha mablag‘larning 30 foizi tuman (shahar)larda jamoatchilik fikri asosida shakllantirilgan tadbirlarni moliyalashtirish uchun tuman(shahar)lar Fuqarolar tashabbusi jamg‘armalariga mavjud aholi soni va mahallalar sonidan kelib chiqib, teng ulushlarda yo‘naltirilishi;

v) tashabbusli budjetlashtirish jarayonlari uchun shahar budjetlarining 5 foizi miqdorida, biroq kamida [9 053732 mingn.so‘m](https://9053732.mingn.so‘m) mablag‘ rejalashtirish belgilanganligi;

g) “Obod qishloq” va “Obod mahalla” dasturlarini jamoatchilik fikri asosida tashabbusli budjetlashtirish jarayonlari orqali amalga oshirilishining yangi tartibi ishlab chiqilishi ma’lumot uchun qabul qilinsin.

10. Shahar hokimining birinchi o‘rinbosari (O‘.Haqberdiyev), Moliya bo‘limi mudiri (A.Xusanov), Navoiy shahar Davlat soliq inspeksiyasi (Q.Xolmuminov)ga shahardagi mas’ul tashkilotlar bilan birgalikda:

tegishli budjetlarni birinchi navbatda ish haqi va unga tenglashtirilgan to‘lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjetning prognoz ko‘rsatkichlarni o‘z vaqtida va samarali bajarish;

budjet mablag‘laridan maqsadli va samarali foydalanish;

budjet intizomiga rioya etilishi ustidan nazorat va mas’uliyatni yanada kuchaytirish;

tegishli mahalliy budjetlarga soliqlar va boshqa majburiy to‘lovlarning to‘liq tushumini ta’minlash;

budjet daromadlar bazasini oshirish va qo‘shimcha rezervlarni aniqlash zarurligiga alohida e’tibor qaratsin.

11. Shahar Davlat soliq inspeksiyasi (Q.Xolmuminov)O‘zbekiston Respublikasi Soliq kodeksida belgilangan vakolatlaridan kelib chiqib:

soliqlarning to‘liq va to‘g‘ri hisoblanishini hamda ushbu soliqlarni o‘z vaqtida budjetga

undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

Xatlov ishlarini samarali tashkil etish orqali er va mol-mulk solig'ining soliq bazasini oshirish vazifasi yuklatilsin.

Shaharda mavjud soliq to'lovchilarning mol-mulkklari maydonlarini chuqur tahlil etgan holda ushbu mol-mulkklarga nisbatan soliqlarni to'liq hisoblanishini ta'minlasin.

12. Mahalla va nuroniylarni qo'llab-quvatlash bo'limiga jismoniy shaxslarning yer va mol-mulk soliqlari bo'yicha joriy hisoblangan soliqlarni hamda ushbu soliqlardan mavjud soliq qarzdorliklarini undirish yuzasidan soliq organlariga amaliy yordam ko'rsatsin.

13. Xalq deputatlari shahar Kengashning mahalliy budget, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi:

mahalliy budgetning qo'shimcha manbalaridan foydalanish to'g'risidagi hokimlik tomonidan taqdim etilgan takliflari asosida budget qonunchiligiga to'liq rioya etilgan holda Kengash qaror loyihasini ishlab chiqilishiga;

Kengash qarori asosida mahalliy budgetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatishga, natijalari bo'yicha tavsiyalar berishga, monitoring qilishga;

mahalliy budget xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etadi va ushbu mablag'larning maqsadli sarflanishi ustidan nazoratni amalga oshirishga mas'ul etib belgilansin.

14. Shahar hokimligi:

Shahar budgetlari jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirsin.

Bunda shahar xalq deputatlari, Yoshlar ishlar agentligi, Jamoatchilik kengashlari hamda yangi joriy etilgan hokim yordamchilari budget jarayonida fuqarolarning faol ishtirokini

ta'minlash maqsadida aholiga keng targ'ibot-tashviqot ishlarini olib borishga mas'ul etib belgilansin;

mahalliy budjetlarning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan obyektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar hokimlik rasmiy veb-saytlariga yuklab borilsin.

15. Shahar hokimining birinchi o'rinbosari (O'.Haqberdiyev), xalq deputatlari shahar Kengashi kotibiyati, tegishli tashkilot rahbarlari:

mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha Kengashga bir chorakda kamida bir marotaba hisobot kiritib borsin.

16. Shahar hokimligi Qonunda belgilangan ayrim soliqlar va to'lov stavkalari, soliq solish tartiblari hamda boshqa ma'lumotlarni ommaviy axborot vositalarida yoritilishini ta'minlasin.

17. Mazkur qaror "Navoiy ziyosi" gazetasida rasmiy e'lon qilinsin hamda shahar hokimligining rasmiy veb-saytiga joylashtirilsin.

18. Ushbu qaror rasmiy e'lon qilingan kundan boshlab kuchga kiradi.

19. Mazkur qaror bajarilishini nazorat qilish xalq deputatlari shahar Kengashining Mahalliy budjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari doimiy komissiyasi va shahar hokimligi zimmasiga yuklatilsin.

Kengash raisi



M.Egamqulov

Xalq deputatlari Navoiy shahar
Kengashining
2022 yil 31 dekabrda
VI-52-208-5-79-K/22-son qaroriga
1-ilova

Navoiy shahrining 2023-yilga rivojlantirishning makroiqtisodiy prognoz ko'rsatkichlari

№	Ko'rsatkichlar	2023-yil uchun prognoz	Mo'ljal	
			2024-yil	2025-yil
1	Yalpi hududiy mahsulot, trln.so'mda			
2	Yalpi hududiy mahsulotning o'sish sur'ati, foizda			
3	Sanoat mahsulotlarining o'sish sur'ati, foizda	4,5	5,1	5,5
4	Qishloq, O'rmon va baliq xo'jaliklarida ishlab chiqarishning o'sish sur'ati, foizda	3,1	3,5	3,9
5	Xizmatlar ko'rsatishning o'sish sur'ati, foizda	14,5	17,4	18,5

Xalq deputatlari Navoiy shahar
Kengashining
2022 yil 31 dekabrda
VI-52-208-5-79-K/22-son qaroriga
2-ilova

Navoiy shaharning shahar mahalliy budjeti daromadlarining 2023-yildagi asosiy prognoz ko'rsatkichlari

mingso'm

T/P	Daromadlari	Jami
JAMI		169 871 382
1	Yuridik shaxslardan olinadigan foydas olig'i	
2	Aylanmadan olinadigan soliq	
3	Jismoniy shaxslardan olinadigan daromad solig'i	
4	Aksiz solig'i jami, (shu jumladan, benzin, dizel yoqilg'isi va gaz realizatsiyasidan olinadigan soliq)	52 118 460
5	Yuridik shaxslarning mol-mulkiga solinadigan soliq	51 973 200
6	Yuridik shaxslardan olinadigan yer solig'i	
7	Yer qa'ridan foydalanganlik uchun soliq (noruda materiallari)	
8	Suv resurslaridan foydalanganlik uchun soliq	23 533 000
9	Davlat boji	
10	Jarimalar	
11	Ijara to'lovi	
12	Davlat tashkilotlarining sof foydasidan daromad	
13	Yig'imlar	
14	Taqsimlanuvchi daromadlar (formula bo'yicha)	24 886 722
15	Alkogol aksiz solig'i (shu jumladan pivo)	10 067 954
16	Tamaki mahsulotlariga aksiz solig'i	10 500 201
17	Mobil aloqaga aksiz solig'i	431 856

Xalq deputatlari Navoiy shahar
Kengashining
2022 yil 31 dekabrda
VI-52-208-5-79-K/22-son qaroriga
3-ilova

**2023-yil uchun Navoiy shaharning shahar budjetidan birinchi darajali budjet
mablag'larini taqsimlovchilarga ajratiladigan xarajatlarning umumiy
cheklangan miqdorlari**

mingso'm

№	Ko'rsatkichlar	miqdori
	Xarajatlar miqdori, Jami	191 939 114
	<i>shu jumladan:</i>	
	joriy xarajatlar	191 939 114
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
	Shahar mahalliy budjetlariga transfertlar	22 067 732
1	Xalq ta'limi bo'limi	9 556 348
	<i>shu jumladan:</i>	
	joriy xarajatlar	9 556 348
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
2	Maktabgacha ta'lim bo'limi	18 074 228
	<i>shu jumladan:</i>	
	joriy xarajatlar	18 074 228
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
3	Sog'liqni saqlash bo'limi	59 984 075
	<i>shu jumladan:</i>	
	joriy xarajatlar	59 984 075
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
4	Madaniyat bo'limi	6 575 438
	<i>shu jumladan:</i>	
	joriy xarajatlar	6 575 438
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
5	Sportni rivojlantirish bo'limi	9 828 641
	<i>shu jumladan:</i>	
	joriy xarajatlar	9 828 641

№	Ko'rsatkichlar	miqdori
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
6	Veterinariya va chorvachilikni rivojlantirish bo'limi	1 204 973
	<i>shu jumladan:</i>	
	joriy xarajatlar	1 204 973
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
7	Aholi bandligiga ko'maklashish markazi	863 235
	<i>shu jumladan:</i>	
	joriy xarajatlar	863 235
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
8	Moliya bo'limi	1 588 055
	<i>shu jumladan:</i>	
	joriy xarajatlar	1 588 055
	<i>shundan: saqlash xarajatlariga</i>	
9	Shahar obodonlashtirish boshqarmasi xarajatlari	40 903 381
	<i>shu jumladan:</i>	
	joriy xarajatlar	40 903 381
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
10	Hokimlik	23 132 802
	<i>shu jumladan:</i>	
	joriy xarajatlar	
	Hokimlikni saqlash xarajatlari	21 111 080
	Xalq qabulxonasini saqlash xarajatlari	
	Prezident maktablarini qurish uchun jalb etilgan qarz mablag'larini qaytarish xarajatlari	
	Xalq deputatlari Kengash kotibiyati	210 976
	Hokimliklarning zaxira jamg'armalari	1 810 746
	Oila-ilmiy tadqiqot markazini saqlash xarajati	
	Axborot va ommaviy kommunikatsiyalar boshqarmasi	
	Fuqarolarning o'zini-o'zi boshqarish organlari xodimlarining malakasini oshirish o'quv kursi	
	Hokimlik ijtimoiy moslashish markazi bo'limlari	
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	

№	Ko'rsatkichlar	miqdori
11	Mahalla va nuroniylarni qo'llab-quvvatlash bo'limi	3 504 327
	<i>shu jumladan:</i>	
	joriy xarajatlar	3 504 327
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
12	Oila va xotin-qizlarni qo'llab-quvvatlash bo'limi	3 424 247
	<i>shu jumladan:</i>	
	joriy xarajatlar	3 424 247
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
13	Yoshlar ishlari agentligi	4 245 632
	<i>shu jumladan:</i>	
	joriy xarajatlar	4 245 632
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
14	Fuqarolar tashabbusi jamg'armasi	9 053 732
	<i>shu jumladan:</i>	
	joriy xarajatlar	9 053 732
	Obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	

Xalq deputatlari Navoiy shahar
Kengashining
2022 yil 31 dekabrda
VI-52-208-5-79-K/22-son qaroriga
4-ilova

2023-yil uchun shahar budjetiga umumdavlat soliqlaridan ajratma normativlari

Foiz hisobida

T/r	Hudud nomi	Yuridik shaxslarning mol-mulkiga solinadigan solig	Yuridik shaxslardan yer solig'i	Jismoniy shaxslardan solinadigan daromad solig'i	Suv resurslaridan foydalanganlik uchun soliq	Noruda qurilish materiallari uchun yer qa'ridan foydalanganlik uchun soliq
1	Navoiy shahar	40	0	9	100	0

Xalq deputatlari Navoiy shahar
Kengashining
2022 yil 31 dekabrda
VI-52-208-5-79-K/22-son qaroriga
5-ilova

**Shahar mahalliy budjetining 2023-yil daromadlari va xarajatlarining
chegaraviy hajmi**

ming so`mda

T/r	Hudud nomi	Daromad	Xarajat
1	Navoiy shahar	169 871 382	191 939 114

Xalq deputatlari Navoiy shahar
Kengashining
2022 yil 31 dekabrda
VI-52-208-5-79-K/22-son qaroriga
6-ilova

**Shahar mahalliy budjetining 2023-yilgi yuqori budjetdan ajratiladigan
tartibga soluvchi budjetlararo transfertlar miqdorlari**

ming so`mda

T/r	Hudud nomi	Tartibga soluvchi transfert miqdori
1	Navoiy shahar	22 067 732,0

Xalq deputatlari Navoiy shahar
Kengashining
2022 yil 31 dekabrda
VI-52-208-5-79-K/22-son qaroriga
7-ilova

**Shahar mahalliy budjetining 2023-yilda shaxsiy g'azna hisobvaraqlarida
turgan budjet mablag'larining yo'l qo'yiladigan eng kam miqdori**

ming so'mda

T/r	Hudud nomi	Miqdor
1	Navoiy shahar	999 701